

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Art. I. Vtrum Consilium formaliter sit sola inquisitio rationis, vel etiam
judicium seu sententiam intellectūs inducat?

[urn:nbn:de:hbz:466:1-78232](#)

- 51 Probatur etiam conclusio dupli ratione, A quam locis citatis indicat S. Doctor. Prima sic potest proponi: Sicut se habet notitia principiorum ad notitiam conclusionum, ita se habet intentio finis ad electionem mediorum: Sed impossibile est posita notitia principiorum, non sequi notitiam conclusionis, quae cum ipsis habet necessariam connexionem, & cuius veritate non stante, nequit stare veritas principiorum. Ergo etiam impossibile est stare efficacem intentionem finis, & non sequi electionem unici modij, sine quo non potest acquiri.
- 52 Secunda ratio est: voluntas non potest (volitione saltē absolutā & efficaci) velle impossibilia, ut supra ostendimus: Atqui si absolute & efficaciter indenderet finem, & tamen nolle eligere medium quod est unicum, & sine quo finis obtineri non potest, vellit volitione absolutā & efficaci aliquid impossibile, ut patet: Ergo non potest voluntas, supposita intentione efficaci finis, rejicere medium unicum, sed ad illud eligendum necessitatibus.
- 53 Confirmatur: Si voluntas positā intentione finis, unicum quod occurrit medium repudiare valeret, posset etiam simul efficaciter velle & nolle obtainere talē finē: Sed hoc dici nequit: Ergo &c. Sequela Majoris probatur: in primis enim finem illum efficaciter vellet, cum intentione non sit simplex affectus & complacentia in fine; sed volitio efficax illius. Non vellet autem illum efficaciter, quia efficax volitio finis est virtualis volitio mediorum, & implicitè seu virtualiter illam continet. Unde Christus dicebat Ioh. 14. *Si quis diligit me (scilicet efficaciter) mandata mea servabit.* Et Matth. 19. *Si vis in vitam ingredi, serva mandata.* Item de eo qui pauperi non dat elemosinam, quando ipsa est medium necessarium ad praeceptum charitatis observandum, dicitur I. Joan. 3. *Quomodo charitas Deimaneat in illo?*
- 54 Hærationes ostendunt, voluntatem ad electionem modij, quod intellectus judicat esse unicum, necessitati non solum quantum ad specificationem, sed etiam quoad exercitium, pro eo saltē tempore, quō intellectus judicat esse necessarium, ut electio exerceatur ad consecutionem finis: nam impossibile est quod intentio finis sit efficax, nisi in actu exercito inferat electionem mediorum, eo tempore quo finis debet executioni mandari: v.g. qui intendit cras flumen transire, & videt non posse nisi per pontem potest quidem volitionem talis modii suspendere usque ad tempus quo debet transire, sed cū instat hora transitus, non potest talis modii electionem non ponere.
- 55 Objicies contra hanc conclusionem: Si supposita efficaci intentione finis, homo ex necessitate eligeret medium, quod intellectus judicat esse unicum, vel talis necessitas orietur ex fine, vel ex ipso medio? Neutrū dicī potest: Ergo &c. Minor probatur: talis necessitas non potest peti ex fine, quia finis non movet efficiens ad eligendum medium, quā moveat ad se ipsum appetendum; cū non moveat ad amorem illius, nisi quia movet ad amorem sui: Sed finis particularis non movet voluntatem necessariō ad amorem sui: Ergo nec ad electionem illius modij. Non potest etiam illa necessitas oriri ex ipso medio: Quia voluntas à nullo bono particulari & limitato necessitati potest: Sed medium illud, quamvis unicum, habet bonitatem fini.
- B Reppondeo necessitatē illam, neque ex fine saria connexionē mediū cum fine ortum habere: sicut quando dicitur, *si Petrus currit, necessario mouetur, necessitas hujus illationis & consequentiæ, neque ex cursu, neque ex motu Petri, quæ sunt contingentia, provenit;* sed ex connectione necessaria quæ reperitur inter Antecedens & consequens, & inter motum Petri & ejus cursorum. Potest etiam dici, *hanc necessitatem provenire ex ipso medio, supposita efficaci intentione finis:* quia licet medium, quando est unicū, non habeat omnē rationē boni simpliciter, habet tamen omnino modum utilitatem, quæ est bonitas modij, formaliter ut medium est: quare licet necessitatem omnino modum & absolutam inducere non possit, potest tamen causare necessitatem secundum quid, & hypotheticam; quia libertati non prejudicat, ut communiter docent Theologi. Unde electio hujus modij potest esse meritaria, vel culpabilis, ut patet tum in eo qui ex efficaci intentione salutis eligit observantiam præceptorum, quæ est unicū & necessarium medium ad vitam æternam consequendam; juxta illud Christi Matth. 19. *Si vis in vitam ingredi, serva mandata.* Tum etiam in illo qui habens intentionem efficacem obtainendi sanitatem, audit a medico unicum medium ad eam consequendam esse accensum ad non suam; talis enim, eligendo illud medium, peccat mortaliter.
- C

DISPUTATIO X.

De Consilio & Consensi.

Ad questionem 14. & 15. Divi Thomae.

EXPLICATA natura electionis differit. Doctor de duplicitate, qui ad illam præquiritur, consilio scilicet, qui eam dirigit ac regulat, & media per illam acceptanda perquisit; & consensi, qui est approbatio sive confirmatione ipsorum inventione & utilitate. Pauca autem circa hos duos actus dicentia occurunt unde utrumque hac disputatione complectemur.

ARTICVLVS I.

Verum Consilium formaliter sit sola inquisitio rationis, veletiam judicium seu sententiam intellectus includat?

S. I.

Quibusdam premissis difficultas proponitur & resolvitur.

NOTANDVM primò quid sicut in syllogismo duo sunt, premissa scilicet & conclusio: ita in consilio, quod est quidam rationis practica discursus, & veluti quidam syllogismus prudentiae, duo præcipue actus intellectus interveniunt; inquitio scilicet mediorum, que

DE CONSILIO ET CONSENSU.

191

juvare possunt ad obtinendum finem, & judicium de illorum bonitate & convenientia: primum se habet ut via, secundum ut terminus: nam per inquisitionem rationis pervenimus ad judicium de mediis convenientibus.

Notandum secundò, quod duplex est judicium terminans actum consultationis circa media: primum est, quod intellectus judicat ex multis mediis propositis aliqua esse utilia, & alia inutilia: quod judicium sequitur consensus, respectu mediorum utilium, ut dicemus articulo sequenti: secundum est, quod ex mediis jam inventis per inquisitionem, & judicatis utilibus, facta iterum collatione ut litatis eorum inter ipsa, judicat intellectus unum esse utilius & convenientius, subindeque carceris preferendum; & hoc judicium, quod appellatur sententia, seu deliberatio, immediate derivat electio. Inquirimus ergo, an consilium consistat solum in inquisitione mediorum, vel etiam includat judicium seu sententiam, quae intellectus practice judicat hoc medium esse eligendum; quae est velut conclusio totius processus qui reperitur in consilio. Proresolutione.

Dico, consilium humanum, seu prout reperiatur in hominibus, utrumque actum includere: in Deo vero non dicere inquisitionem & consultationem de mediis, sed tantum judicium rationis practicae eorum convenientia & bonitate. Ita communiter docent Thomistæ, praesertim Cajetanus & Conradus hic art. 1. contra Vasquem, Azorium, Corneio, & alios Recentiores, eximiantes consilium in sola inquisitione mediorum confidere.

Probatur prima pars ratione notabili primo infinitata. Consilium est quidam rationis practicae discursus, & veluti quidam syllogismus prudentis, cuius conclusio est judicium, seu sententia; unde sicut in speculativis præmissæ solum inchoative sunt syllogismus; completa autem per conclusionem quam inferunt, simul cum ea perfectum syllogismum efficiunt: ita in practica inquisitio rationis solum inchoativa est consilium, completa autem per judicium, sicut cum ipso consilium perfectè & completere efficit & componit.

Confirmatur: Tam in consilio communis plurimum, quam in particulari cuiuscumque, si multiplicari difficultibus non pervenitur ad judicium, seu deliberationem & sententiam, sed ipsius alium diem vel horam differtur, communiter omnes sentunt & dicunt consilium non esse completum: Ergo consilium, secundum communem modum concipiendi & loquendi, non solum inquisitionem & consultationem de mediis, sed etiam judicium seu sententiam de eo. cum convenientia & bonitate importat.

Confirmatur amplius: Si judicium esset omnino extra consilium, illud nullo modo reperiatur in Deo. Sed hoc dici nequid: Ergo nec illud. Sequela Majoris patet: nam ut statim dicimus, in Deo non reperiatur inquisitio seu consultationis de mediis: Ergo si consilium in ea solum confisteret, & judicium seu sententiam de convenientia mediorum non importaret, nullo modo reperiatur in Deo. Minor vero probatur ex variis Scriptura locis, in quibus Deo & Christo passim attribuitur consilium: nam Job. 12. dicitur: *Apud ipsum est sapientia & fortitudo, & ipse habet consilium & intelligentiam.* Et Ierem. 32. Deus appellatur, *Magnus consilio &*

A incomprehensibilis cogitatu. Item Isaiae 46. Deus dicit: *Consilium meum stabit, & omnis voluntas mea fiet.* Et Apostolus ad Ephes. 1. assertit quod Deus operatur omnia secundum consilium voluntatis sue. Denique Isaiae 9. Christus vocatur *Admirabilis consiliarius,* & cap. 11. Spiritus consilij super eum requiescere dicitur. At hæc loca debent in sensu proprio & non metaphorico accipi; cum ex hoc nullum sequatur inconveniens, ut patebit ex dicendis in probatione secunda partis: Ergo consilium reperiatur in Deo.

Probatur igitur secunda pars conclusionis ex D. Thoma 1. p. quæst. 22. artic. 1. ad i. ubi ait: *Ipsa ratio rerum agendarum consilium in Deo dicitur, non propter inquisitionem, sed propter certitudinem cognitionis, ad quam consiliantes inquirendo pervenirent.* Et clarius hic art. 1. cum sibi obiecisset in secundo argumento: *Inquirere intellectus discurrentis est, & sic Deo non convenit, eius cognitio non est discursiva.* Sed consilium Deo attribuitur, dicitur enim ad Ephes. 1. quod operatur omnia secundum consilium voluntatis sue: Ergo consilium non est inquisitio: Respondet,

Quod ea quæ discuntur de Deo, accipienda sunt absque omni desectu qui invenitur in nobis: sicut in nobis scientia est conclusionum per discursum à causis in effectus: Sed scientia dicta de Deo. significat certitudinem de omnibus effectibus in prima causa, ab' que omni discursu. Et similiter consilium attribuitur Deo, quantum ad certitudinem scientie, vel judicij, que in nobis provenit ex inquisitione consilij: Sed hujusmodi inquisitio in Deo locum non habet; & ideo consilium secundum hoc Deo non tribuitur. Et secundum hoc Damascenus dicit, quod Deus non consiliatur; ignorantis enim est consiliari. Quibus verbis clare docet, quod sicut scientia reperiatur in Deo, absque discursu; ita & consilium absque inquisitione: quia inquisitio supponit ignorantiam vel dubitationem; nemo enim prudens inquirit quod probè scit, nec querit quod possidet: ignorantia autem & dubitatio non habent locum in Deo: Ergo neque inquisitio. In Angelis tamen, in quibus potest esse nescientia, potest etiam esse inquisitio, licet sine discursu. Unde Dionysius 7. cap. cœlestis hierarchie introducit Angelos questionem facientes ad Jesum de suscep̄tione pro nobis carnis opere, juxta illud Isaiae 63. *Quis est iste qui venit de Edom, tintilla vestibus de Bostra?* Iste est formosus in stola sua. Et Psalm. 23. *Quis est iste Rex gloriae?* Quare in Angelis consilium de supernaturalibus, quorū habent nescientiam, non solum judicium, sed etiam inquisitionem potest includere, quia de illis dubitare possunt.

§. III. Solvuntur objectiones.

OBJICES primò contra primam partem § conclusionis: D. Thomas hic artic. 1. ait: *Inquisitio rationis que est ante judicium de eligendis, consilium vocatur.* Ergo consilium non includit judicium, sed in sola inquisitione rationis consistit.

Respondeo Divum Thomam loqui de consilio inchoativa: nam sicut præmissæ ante conclusionem sunt syllogismus inchoativa; ita inquisitio rationis ante judicium de eligendis, est inchoativa consilium; sicut tamen syllogismus

DISPV TATIO DECIMA:

non censetur completus ante conclusionem, ita nec consilium ante judicium seu deliberationem de agendis; si enim inquiritur, & ad deliberationem & resolutionem non pervenitur, nihil datur consilij. Unde Cajetanus hic art. i. ait: *Consilium significat inquisitionem completam, id est, usque ad judicium inclusive.*

9 Obijecies secundò: Consilium & judicium sunt actus diversarum virtutum: Ergo unum non includitur in alio. Consequenter videtur bona: nam si unus ex illis auctibus in alio includeretur, scilicet judicium in consilio, ab eadem virtute, uterque eliceretur. Antecedens vero est D. Thomae infra quæst. 57. art. 6. & 2.2. qu. 51. art. 1. & 3. ubi docet Eubuliam esse virtutem ad bene consiliandum, & synesim ad recte judicandum.

10 Respondeo distinguendo Antecedens: Consilium, & judicium sunt actus diversarum virtutum, si loquaris de consilio inadæquate, concedo; sic enim una pars ejus, quæ est inquisitio, est actus cubulæ, alia vero aëtus synesis, seu gnome: si autem loquaris de consilio adæquate, nego. Nam si cut consilium adæquate sumptum dicit duos actus rationis, scilicet inquirere & judicare; sic ad ipsum concurrunt duas virtutes predictæ, sed neutra producit consilium adæquate. Nec mirum quod totus syllogismus practicus procedat à duplice virtute intellectuali practica; cum etiam integer syllogismus speculativus procedat à duplice virtute intellectuali speculativa, scilicet ab intelligentia quantum ad præmissas, & à scientia quantum ad conclusionem.

S. III.

Corollarium precedentis doctrine.

11 EX dictis inferes, consilium, ut reperitur in hominibus, esse inquisitionem & judicium rationis practicæ circa media à nobis apponenda, quando res est dubia, & momenti aliquujus. In qua definitione inquisitio & judicium est genus, quia in homine non reperitur judicium absque prævia inquisitione. Additur rationis practicæ, quia inquisitiones & judicia intellectus speculativi, ut Mathematicæ consultationes & demonstrationes, consilia non sunt, ut dicit Aristoteles 3. Ethic. cap. 3. Subditur *circum medie*, quia ut docet S. Thomas hic art. 2. consilium non est de fine, sed solum de his quæ sunt ad finem: cum enim sit quidam discursus intellectus practici, ut supra ostendimus, sicut discursus non est de principiis, sed de conclusiōnibus; ita nec consilium de fine, qui se habet ut primum principium in agibilibus, sed solum de mediis, quæ ad ejus affectionem conidunt. Unde Aristoteles 3. Ethic. cap. 5. *Consulamus*, inquit, non de fine, sed de his quæ ad finem tendunt: nam neque medicus an sanare, neque orator an persuadere, neque politicus an bonis legibus civitatem temperare debeat, neque ex aliis quipiam de fine consultat; sed omnes cum finem quendam statuerint, quomodo aut per, que eam consequi possint deliberant. Deinde dicitur à nobis apponenda, quia ut probatur artic. 3. consilium solum est circa ea quæ à nobis aguntur, seu quæ curæ & dominio nostro subjecta sunt. Unde Galli v. g. non habent consulere quomodo Indi vivere vel negotiari debeant. Tandem postitur, quando res est dubia, & momenti aliquujus, quia ut docet S. Doctor art. 4. ea

A qua sunt certa & determinata in aliqua arte vel disciplina, sub consilio non cadunt: Vanè enim (inquit Aristoteles ubi supra) confuleret Grammaticus, quomodo fornandi sunt literarum characteres, & Geometra quomodo describendum sit trigonum, quomodo circulus; hæc quippe eodem modo sunt, & in arte determinata sunt. Sic Moyses Exodi 25. non consuluit artifices peritos, quomodo fabricandum esset tabernaculum quia jam id determinaverat Deus. Similiter etiam de rebus parvis non est consilatio: nam de illis vir prudens non est sollicitus, quia parum refert quod sic vel aliter agantur aut contingat: unde dicitur quod *de minimis non curat Pater*. Et per hæc satis videntur exposita quæ docet D. Thomas quæst. 14.

Solum id quod art. 5. dicit, nempe consilium fieri modo resolutorio, indiger explicatione, quoniam à Cajetano & aliis obscure exponuntur. Sciendum est igitur, quod in rebus materialibus processum hunc resolutivum appellamus, qui procedit ab eo quod est posterius in esse ad id quod est prius; sic enim resolutio domus, procedit à forma domus, ad lapides, ligna & alia quæ prius fuerunt in esse, quam ipsa forma domus. Econtra vero processus ille compositus dicitur, qui ab his quæ sunt priora in esse, ad ea quæ sunt in esse posteriora, & in cognitione seu intentione priora, ascendiit, ut patet in constructione domus: forma enim domus, que in intentione & cognitione artificis prior est, resultat ex conjunctione lapidum, lignorum, & similium, quæ in esse & in ordine executionis priora sunt, & posteriora in ordine intentionis. Quia ergo consilium à fine, qui est posterior in esse & in executione, procedit ad media, que in eodem ordine priora sunt, utpote causa ipsius finis, modo resolutorio procedere dicitur. Illus vero & imperium, modo compositivo procedunt: quia mediis, quæ sunt in esse & in executione priora, ascendunt ad finem, qui in cognitione & intentione prior est, & posterior in executione.

ARTICVLVS II.

An consensus sit actus realiter ab electione distinctus?

NOTA primò: nomen *Consensus* tribui posse? cuicunque actui libero voluntatis, acceptantis bonum ab intellectu propositum quomodo dicitur peccatum perfecti consensu, & sic non est specialis actus voluntatis, nec solum circa media, sed etiam circa finem versatur: quia tamen consensus propriè videtur fieri post perfectam deliberationem & consultationem, ideo peculiariter usurpatur à Theologis ad significandum quandam peculiarem voluntatis actum circa media, jam à ratione proposita, & judicata convenientia; & de consensu si accepto inquirimus, an sit actus ab electione realiter distinctus?

Nota secundò, quod cum consensus sequatur 14. judicium de convenientia & utilitate mediorum, & intellectus judicare possit, plura media vel unum tantum ad finem obtainendum posse conducere, voluntas per consensum, vel in pluramedia, vel in unum tantum ferri potest. His præmissis,

Dico: Cum voluntas per consensum fertur ad plur.